

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 43. stav (5) i članom 52. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 122. sjednici, održanoj dana 27.03.2026. godine, d o n o s i

ODLUKU

o usvajanju Programa utroška sredstava Budžeta Zeničko-dobojskog kantona za registrovana udruženja/saveze poljoprivrednika na području Zeničko-dobojskog kantona za 2026. godinu („Tekući transfer udruženjima“ - izvor 10)

Član 1. (Predmet)

Usvaja se Program utroška sredstava Budžeta Zeničko-dobojskog kantona za registrovana udruženja/saveze poljoprivrednika na području Zeničko-dobojskog kantona za 2026. godinu („Tekući transfer udruženjima“-Izvor 10), u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), ekonomski kod 614300 NAD411, pozicija „Tekući transfer udruženjima“-Izvor 10“, u iznosu od 100.000,00 KM (slovima: stotinhiljada konvertibilnih maraka) i čini sastavni dio ove odluke.

Član 2. (Način realizacije)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom periodu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3. (Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6302/26

Datum, 27.03.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM

**utroška sredstava Budžeta Zeničko-dobojskog kantona za registrovana
udruženja/saveze poljoprivrednika na području
Zeničko-dobojskog kantona za 2026. godinu
(„Tekući transfer udruženjima“- Izvor 10)**

Zenica, mart 2026. godine

I NAZIV PROGRAMA

Program utroška sredstava Budžeta Zeničko-dobojskog kantona za registrovana udruženja/saveze poljoprivrednika na području Zeničko-dobojskog kantona za 2026. godinu „Tekući transfer udruženjima“-Izvor 10, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), ekonomski kod 614300 NAD411, pozicija „Tekući transfer udruženjima“- Izvor 10 planirana su sredstva u iznosu od 200.000,00 KM (slovima: dvijestotinehiljada konvertibilnih maraka), od kojeg iznosa za registrovana udruženja/saveze poljoprivrednika na području Zeničko-dobojskog kantona, opredijeljena su sredstva u iznosu od 100.000,00 KM (slovima stotinhiljada konvertibilnih maraka).

II ZAKONSKI OSNOV ZA PROGRAM

Članom 43. stav (5) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), propisano je da će se sredstva utvrđena u razdjelu 23, budžetska organizacija 01, potrošačka jedinica 0001, pozicija „Tekući transfer udruženjima“, koristiti prema programu utroška koje donosi Vlada Kantona, a u članu 52. stav (1) je utvrđeno da budžetski korisnici predlažu Vladi Kantona program utroška sredstava iz člana 43. istog Zakona, uz prijedlog odluke kojim se usvaja program.

III SVRHA PROGRAMA I VISINA SREDSTAVA

Svrha programa je da se korištenjem finansijskih sredstava odobrenih Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) u razdjelu 23, budžetska organizacija 01, potrošačka jedinica 0001, ekonomski kod 614300 NAD411, pozicija „Tekući transfer udruženjima“-Izvor 10, u iznosu od 100.000,00 (slovima: stotinhiljada konvertibilnih maraka), unaprijedi i osigura što kvalitetniji rad za registrovana udruženja/saveze poljoprivrednika na području Zeničko-dobojskog kantona kroz finansiranje i/ili sufinansiranje projekata i aktivnosti u njihovom radu i djelovanju, a koji će indirektno doprinijeti unapređenju poljoprivredne proizvodnje na području Zeničko-dobojskog kantona.

Ovaj program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za poljoprivredu, šumarstvo i vodoprivredu Zeničko-dobojskog kantona.

IV KRITERIJ ZA RASPODJELU SREDSTAVA

Kriteriji za raspodjelu sredstava planiranih ovim programom opredijelit će se Korisnicima prema općim i posebnim kriterijima.

1. OPĆI KRITERIJI

Opći kriteriji za raspodjelu sredstava su:

- a) registracija u skladu sa Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02) i izvršene promjene u skladu sa Pravilnikom o načinu vođenja registra udruženja i

- fondacija i stranih i međunarodnih nevladinih organizacija („Službene novine Federacije Bosne i Hercegovine“, broj: 61/02),
- b) da korisnici imaju sjedište na području Zeničko-dobojskog kantona i da su najmanje godinu dana od dana apliciranja za sredstva upisani u registar udruženja/saveza kod nadležnog organa,
 - c) organiziranost i broj članova Korisnika,
 - d) broj članova koji učestvuju u realizaciji projekta/programa,
 - e) da Korisnici svojim radom unapređuju rješavanje pitanja iz djelatnosti poljoprivrede,
 - f) ekonomska ili društvena opravdanost projekta,
 - g) da su izmirili sva dospjela poreska i druga dugovanja prema Zeničko-dobojskom kantona i doprinose za zaposlenike,
 - h) ekonomsko-finansijsku sposobnost Korisnika,

2. POSEBNI KRITERIJI

Posebni kriteriji za raspodjelu sredstava su:

- a) projekt/program koji doprinosi uspješnom prezentiranju razvoja poljoprivrede kroz afirmaciju i promociju poljoprivrednika i njihovih proizvoda,
- b) projekt/program koji podstiče unapređenje i očuvanje animalnog i/ili biljnog fonda
- c) projekt/program sa ciljem razvoja ruralnog područja i očuvanje tradicije i običaja Zeničko-dobojskog kantona,
- d) projekt/program organizacija i održavanje izložbenih sajmova ili manifestacija, izlaganje životinja i poljoprivrednih proizvoda.

V KORISNICI SREDSTAVA

Korisnici sredstava su registrovana općinska/kantonalna udruženja ili savezi koji ispunjavaju propisane opće i posebne kriterije iz ovog Programa i koji svoje aktivnosti provode na području Zeničko-dobojskog kantona.

VI IZVORI FINANSIRANJA I NAČIN UTROŠKA SREDSTAVA

Izvori finansijskih sredstava su sredstva odobrena Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), na ekonomskom kodu 614300 NAD411, pozicija „Tekući transfer udruženjima“- Izvor 10, a koju podršku ostvaruju korisnici koji ispunjavaju opće i posebne kriterije propisane ovom Programom i Uputstvom.

Novčanu podršku ostvarit će kantonalna/općinska udruženja/savezi koja ispune sve opće i posebne odredbe Uputstva, a maksimalan iznos podrške po jednom udruženju/savezu iznosi do 10.000,00 KM za kantonalna udruženja/saveze, a do 5.000,00 KM za gradska/općinska udruženja.

Sredstva planirana ovim Programom dodjeljuju se na osnovu javnog poziva koji će raspisati Ministarstvo za poljoprivredu, šumarstvo i vodoprivredu koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24). Javni poziv će, u skladu sa tačkom 26. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), sadržavati pisane kriterije na osnovu kojih će se izvršiti odabir kandidovanih projekata. Odabir kandidovanih projekata, ocjenjivanje prijave i dostavljanje prijedloga programa i projekata na odobravanje obaviti će komisija koju imenuje ministar Ministarstva a sve u cilju efikasne, ekonomične i efektivne

upotrebe sredstava. Obrazac za prijavu programa ili projekta biće sastavni dio javnog poziva i isti će obavezno sadržavati procjenu efekata učinka koji se postižu realizacijom istih.

VII NAČIN I ROKOVI IZVJEŠTAVANJA

Korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2027. godine. U slučaju da korisnici doznačenih sredstava ne dostave izvještaj o namjenskom utrošku sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-6302/26

Datum, 27.03.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.